



Niuspepa WANTOK wanpela tasol i kisim poto bilong Matias Aliwan. WANTOK tasol i katim daun tok bilong em long teprikota. Ol arapela niuspepa bilong Niugini na Australia na ol redio stesin tu ol i kisim long mipela tasol.

TOK BILONG KAGO



Planti man bilong kago i sindaun wantaim Matias Aliwan long ples Ambukanja. Edita bilong Wantok wantaim ripota bilong em i go long dispela ples na kisim poto na sampela tok. Long dispela piksa Matias Aliwan i sindaun i stap long lephan tru. (Stori Pes 8 na 9)

Wantok Askim Aliwan — — —

Em hia sampela toktok wantaim Matias Aliwan, glasman bilong kago, mipela i katim daun long teprikota:

Aliwan: Mi gat tok long kamautim dispela simen. I gat. Nau tasol mi painim wanpela long namba 15 de bilong mun Me. I gat tupela simen nau. Bai mipela kamautim long namba 7 mun, long Julai, long namba 7 de.

Edita: Dispela simen bai yu rausim long dispela de?

Aliwan: Yes. Em tasol tok bilong mi.

Edita: Sampela man i tok long dispela de bai wanpela man i mas indai. Em i tru o nogat?

Aliwan: Mi no save nau. Bilong kamautim simen tasol mi save.

Edita: Bilong wanem yu laik rausim simen?

Aliwan: Simen mipela i laik rausim long ol kaikai na abus samting mipela i no painim long bus.

Edita: Na sapos yupela i kamautim dispela si-

men, bai planti kaikai na abus i kamap?

Aliwan: Yes.

Edita: Daniel i tok long de namba 7 bilong Julai bai 3-pela man i mas indai antap long maunten Hurun. Bai wanpela man i kam katim nek bilong tripela. Yu ting em i tok tru o tok giaman tasol?

Aliwan: Mi no gat tok. Mi no save.

Edita: Bai planti man i kamap long maunten lukim ol samting long namba 7 de bilong Julai?

Aliwan: Sapos sampela masta i Taik lukim yumi kamautim wantaim, em i no gat tambu long dispela taim.

Edita: I gat tok long olgeta ples, sampela man i bin kukim mani inap 500 dola long paia. Bi-hain ol i putim sit bilong dispela paia long pes bilong ol. Em i wanem em kain tok?

Aliwan: O, mi no klia long dispela. Mi no save. Mi no raun daunbilo na mi no ken harim.

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela primum nem bilong yu tru, orait yu raitim arapela nem bilong yu tu.

Kas Bilong Tei Abal

Dia Edita.- Nau mi laik bekim pas bilong Francis D. Keko. Em i tok Tei Abal i no save toktok long Dipatmen bilong em. Mi ting Keko em tok giaman.

Tei Abal em man bilong tok na save toktok planti long Dipatmen bilong em. Ating yu no save gut long Tei Abal na yu tu i no save wok bilong em. Yu ting wanem na spoilim nem bilong em. Yu laikim em i kam wok long plantesin bilong yu a?

Nating yu lus tru long em. Sapos yu lus tru orait kam hangamap long em.

Puluk Parage
Madang

Kros Long Papua

Dia Edita.- O yes, mi wanpela skulmanki long Par insait long Wabag Sab Distrik. Sampela taim mi save ritim ol Papua i kros liklik long ol Niugini na ol yet i tok gavman i no save mekim gutpela bisnis long hap long Papua. Em yu stupit tru.

Yupela i laik long kisim bikpela wok tasol em dispela risen yupela i kros nating long administrisen.

Ol Niugini i no save les long kisim liklik wok em i wanpela risen ol Niugini i gat bikpela

bisnis. Yupela i les tru long kisim liklik wok. Yupela i no ken tok gen long dispela samting. Em i rong bilong ol Papua yet. Yupela kalap long bikpela wok em wanpela risen mi ting, laka.

John Yamtak,
Par, Wabag.

Kaunsil i Mas Strong

Dia Edita.- Mi wanpela doktaboi bilong Yampu haus sik.

Mi bin toktok liklik long wanpela trabel i kamap long Wabag. Wanpela bikpela pait i kamap long Wabag long dispela ples ol i kolim Sari. Lain bilong pait em Kala na arapela em Merain. Tupela i pait long graun.

Na wanpela Kala i dai na wanpela Merain i dai. Planti man i gat spia na ol i go i stap long haus sik.

Dispela trabel i kamap planti long hap bilong mipela. Ating as bilong kamap long wanem kaunsil i no inap strong o kiap i no strong.

Bipo gavman i stap long Wabag tasol i no save trabel i kirap olsem.

Bipo i gutpela. Tasol nau planti trabel na man indai tu i planti. As bilong en long wanem samting? Sapos wanpela man laik tok klia long mi, orait tokim mi long Wantok niuspepa.

Leo Kanj
Yampu, Wabag

Kauboi Trausis

Dia Edita.- Mi wanpela kuskus bilong Luteran Misin long Tarabo insait long Isten Hailans Distrik. Mi lukim wanpela samting i no stret long ai bilong mi i olsem mi lukim planti maritman ol i putim kauboi trausis long as bilong ol long daunbilo tru long as bilong ol. Lukim pren mipela ol yangpela mipela i putim kauboi trausis long daunbilo tru long as bilong mipela em bai i go stret na yupela marit man putim kauboi trausis long as bilong yupela i no stret liklik laka?

Na narapela hap mi save sem liklik long dispela tu. Ol yangpela meri i lukim as bilong mipela i stap ples klia tru. Ol i lukim pinis na ol i go nabaut na ol i save go tok bilas long mipela. Na ol i save mekim kain kain toktok na mi save hevi tumas long dispela. Olsem na mi laik yupela olgeta pren bilong mi, yupela harim, taim yupela putim kauboi trausis long as tru bilong yupela, yupela lukim pastaim na yupela sindaun long graun,

nogut ol i tok bilas long yupela. Mi no save klia tru long as bilong kauboi trausis mipela save putim. Olsem na mi laikim harim as bilong em tru olsem na mi askim.

Mipela save tok bilas long sotpela sket na i no stret liklik. Maski mipela i laik putim wanem kain trausis na sket em i laik bilong mipela, na sotpela sket em ol yangpela gel i putim em laik bilong ol. Bilong wanem nau em i nupela taim.

Yu wanem yangpela gel yu lukim kauboi trausis bilong mipela na yu mekim tok bilas yu mas daunim spet pastaim. I no laik bilong yupela em i laik bilong mipela. Mipela i laik mekim wanem mipela i ken pinisim laik bilong mipela. Yu wanem man yu ritim dispela pas bilong mi na i no stret long yu. Plis rait tasol i go long Wantok na em i ken primum na mi ken lukim.

K. James Kangeto Buma-
yong

Tarabo

Maski Tok Kranki

Dia Edita.- Mi laik bekim pas i go long Lavuk Remp. Lavuk i tok olsem em i no laikim lotu long tok Pisin. Ating yu laikim tok Latin, a? Orait sapos yu inap, yu ken bekim dispela kwes-ten bilong mi.

1. Jisas i save beten long tok Latin, o long tok ples bilong ol Juda?

2. Olgeta kantri ol i

save lotu long tok Latin o long tok ples bilong ol yet?

3. Na yu save long tok Latin tu? Mi ting nogat. Olsem na bai yu inap harim mining bilong Baibel na bilong ol prea olsem wanem? Ating yu hepi na amamas nating, a? Nogut yu sem long tok ples bilong yu yet.

Nello
Sissano.

Kros Long Waitskin

Dia Edita.- Mi laik bekim pas bilong brata Francis.

Em i tok, ol waitskin i sindaun nating na kisim bikpela mani. Em i tok, ol waitskin i kam long Niugini na ol i kaikai mani olsem kau i kaikai gras.

Yes, brata, i no mi kros long dispela gutpela tok bilong yu, nogat. Mi amamas long tok bilong yu. Tasol mi bilip liklik long tok bilong wanpela waitman.

Long taim bilong kwes-ten mi askim long em na em i tokim mi. As bilong

waitskin i save kisim bikpela mani, em i as long save tasol. Em i tok, long Jemani na Amerika tu i gat pasin olsem long Niugini. Em i tok, sapos wanpela waitskin i no gat bikpela save, em i no save kisim bikpela mani. Ol i save wok hat olsem yumi netiv, tasol em i tok pe bilong ol i olsem \$10.00 na \$20.00, olsem tasol.

Em i tok tru o mi no save, tasol wanpela samting mi pilim em i tru tasol.

Lalepa
Maniyanda Bible
School.

long baim kopi i pasim faktori bilong kopi, bai yumi painim mani we, bilong peim takis na baim skul bilong ol pikinini?

Paul Ug,
Kumdi (Mt. Hagen)

Tok Kanaka i Nogut

Dia Edita.- Mi lukim wanpela samting i no stret long ai bilong mi. Oltaim mi kisim Wantok long skul bilong mi na mi harim sampela man i save raitim kranki tok. Na ol i save tok olsem KANAKA. Plis ol brata train na lusim ol dispela kain tok. Long wanem mi ting yumi no ken tok kanaka long pipel bilong yumi. Mi ting yumi olgeta kanaka tasol. Plis sapos yu husat yu laik bekim pas bilong narapela orait, yu mas mekim gutpela tok long wanskin bilong yu. Yu no waitman. Yumi olgeta kanaka tasol.

I. Sua Kilua
Kagua Mendi



Em Nau Taim Bilong Yu

Plantu taim sampela lida na bikpela man bilong Papua New Guinea i kros long ol bikpela kampani. Ol i tok, i tru ol kampani hia i helpim go het bilong kantri, tasol ol i no larim sampela lokal pipel i insait wantaim ol na baim hap bilong kampani yet. Hap hia ol inap baim yumi kolim sea.

Tasol nau Bougainville Maining Ltd, i singaut long ol man bilong Teritori long kam insait na baim hap bilong kampani bilong ol. Ol i makim pinis 1,000,000 (wan milion) sea long ol lokal pipel stret. Nau em i taim bilong ol bikpela man na lida long go pas long soim ol pipel long pasin bilong insait long wanpela kampani.

Kampani hia i tok wanpela sea i kostim \$1.55. Wanpela wanpela man i no ken baim aninit long 20 sea na antap long 200 sea. Lokal gavman kaunsil tu inap long baim ol sea inap long 10,000. Ol lain man o lain wantok tu inap long bungim mani na baim inap 2,500 sea.

Sapos kampani i ran gut, olgeta yia bai em i skruim mani i go long sea bilong yu. Ol i tok long yia 1973 bai ol i skruim 20¢ long wanpela wanpela sea. I olsem olgeta yia sampela mani i kamap nating long sea bilong yu.

Ol i painim nau ol dispela kopa long Bougainville i namba wan tru bilong graun. Ol i kontrak pinis wantaim Japan inap 10-pela yia long baim. Em bai i mekim plantu mani moa i kamap long Niugini, plantu mani moa i kamap long han bilong ol man i baim sea.

Bougainville Maining Ltd. i bin givim gutpela eksampel. I gut sampela arapela kampani long Teritori i lukim na bihainim.

Wanpela man, wanpela lain, o wanpela kaunsil i laik putim mani i go insait long kampani yia, em i mas go toktok wantaim ol man bilong beng long ples bilong en. Bai ol i skulim em.

Baim sea em i pasin bilong baim kampani. Kampani i no bilong wanpela man; em i bilong olgeta man i gat sea insait long en.

Em nau, taim bilong yu.

Kopi Dia Tumas

Dia Edita.- Mi bilong Kumdi na mi laik mekim wanpela liklik tok long ol pipel bilong Hagen ol i save maketim kopi long ol kopi baia.

Mi save lukim ol manmeri ol i save mekim kopi bilong ol i dia tumas. Sapos ol kopi baia i givim mani long ol olsem skel bilong ol i tok bai ol papa bilong kopi ol i no laik, long wanem ol i laik bai ol kopi baia i mas givim moa mani. Sapos skel bilong ol kopi baia i tok; \$4. bai papa bilong kopi i laikim 2 o 3 dola moa.

Dispela pasin mi ting i no stret. Long wanem ol kampani bilong baim kopi i laik mekim sampela profit mani tu. Sapos ol papa bilong kopi i apim tumas pe bilong kopi, bai ol kampani bilong baim kopi, ol bai les long baim kopi bilong yumi, long wanem ol i no save mekim profit mani.

Sapos ol kampani bi-

Niugini Nius

Mendi

Tri handet sumatin bilong Mendi Haiskul i mekim nau olkain wok bilong klinim haus sik long Mendi.

Distrik Medikal Ofisa bilong Sauten Hailans, Dokta Vickers, i tok ol studen nau i wok long penim haus sik, wokim gut ol liklik han rot, ol plaua gaden, na katim gras nabaut long haus sik.

Rabaul

Ministerial Mema bilong ol skul, Mista Mattias Toliman i bin amamas tru long dispela namba 6 Inter Ailan Skul So insait long Rabaul.

Em i tok, kisim save em i no samting bilong painim insait long skul tasol, nogat.

Yumi painim save autsait long skul tu taim yumi wok na pilai wantaim ol arapela kain pipel.

Wanpela Tolai dokta bilong Raluana viles, Dokta Jeffrey Tuvi, i bin kam bek pinis long Teritori bihain tasol long stadi bilong em long India na Afrika.

Direkta bilong Pablik Helt, Dokta W.D. Symes, bai i go wok long Mt. Hagen long Westen Hailans Distrik.

Long Rabaul 40 meri long Mioko Ailan, Palpal viles na Mualim Ailan i bin kamap long mekim wanpela kos long Mioko Ailan.

Ol i bin peim \$1 dola \$1 dola long stap insait long dispela kos.

Kos i stap inap long tupela wik. Tupela komuniti developmen ofisa i stiaim dispela kos wantaim Dipatmen bilong Sosol Developmen na Hom Afers.

Taim kos i pinis ol i bin kisim setifiket long soim olsem ol i save long mekim ol dispela wok. Mr. John Talvat i bin givim setifiket long ol.

Bulolo

Ol sumatin bilong Bulolo Forestri Koles i bin statim pinis wanpela lukluk raun bilong ol. Dispela lukluk raun inap long tupela wik. I gat 100 sumatin olgeta na ol i bin mekim tupela lain. Wanpela lain i go long Hailans na wanpela i go long hap bilong Morobe Distrik. Narapela lain i bin go long Buso long hap bilong Salamaua na narapela i wok long lukluk raun long hap bilong Isten Hailans.

Dispela kain lukluk raun bai i helpim ol sumatin long lainim ol wok na lukim tu ol arapela distrik.

Lain i stap long Hailans bai i go lukluk long ol wok bilong didiman long Goroka. Ol bai i go lukim tu Goroka Tisa Koles, na long Chimbu. Distrik ol sumatin bai i wokabaut i go antap long bikpela maunten tru long Teritori Mt. Wilhelm.

Madang

Distrik Medikal Ofisa, Dokta Ian Welch, i bin tok olsem 70 pikinini i kisim kus nogut i bin kam long Madang haus sik na tripela i bin dai.

Em i tok samting olsem

100 pikinini i kisim dispela sik.

Dokta Welch i tok em i no bin kisim yet sampela ripot i kam long ol autstesis long dispela sik. Dipatmen bilong Helt i redi nau long helpim na daunim dispela sik long distrik.

Saiden Lingut bilong Saidor i pinis long wok plisman bihain long 27 yia. Em i bin kisim training bilong em long yia 1944 na 45. Saiden Lingut i bin wok olsem plisman long Lae, Mendi, Madang, Ambunti, Angoram, Wewak, na Aitape.

Em i bin kisim pinis sevis medal na tupela sta long dipatmen bilong ol plisman.

Mt. Hagen

Sekretari bilong dipatmen bilong ol teritori, Mista D.O. Hay wantaim misis bilong en i bin opim wanpela nupela pos ofis long taim tupela i mekim lukluk raun bilong tupela long wik i go pinis.

Ol memba bilong Haus Asembli, ol kaunsila, na distrik komisina bilong Westen Hailans, Mista M. Foley, wantaim misis bilong em i bin stap tu long dispela taim.

Nupela pos ofis i kos-tim \$177,000 olgeta.


Wewak

Long wik i go pinis wanpela nupela haus buk ol i bin opim. Mista Michael Somare i bin opim dispela haus buk. Em i tok, olgeta kantri i gat ol bikpela haus buk, bilong painim ol kain kain toktok. Na helpim ol pipel long skruim save bilong ol.


Mista E.G. Hicks i tok dispela haus buk i gutpela samting bilong helpim ol pipel i save rit.

Presiden bilong Wewak But Kaunsil Mista, Herman Beri i tok.

Ol manmeri pikinini i save rit i ken kam insait long dispela haus buk long ritim ol buk.



Ministerial memba bilong wok didiman i tok Papua New Guinea i presen long 3-pela Brahmin bulmakau man i go long gavman bilong Indonesia. Ol bulmakau hia i bilong helpim kamapim gut wok didiman long Wes Irian. Piksa i soim wanpela Brahmin bulmakau man long Kila Kila.




WIL BALUS BILONG

ANSETT

YU LAIK FLAI LONG WANEM HAP
ANSETT I HEPI LONG KARIM YU I GO

Ansett I Gat Olkain Balus
Smok Balus Tri Ensin Tu Ensin Wan Ensin



We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

ANSETT AIRLINES OF PAPUA NEW GUINEA
in conjunction with Ansett Airlines of Australia.

INSAIT LONG OL POLITIK

(I KAM LONG NEW GUINEA NEWS SERVICE)

Ol i No Laik Putim Nem

ol mataungan gen

Planti mun i go pinis na mipela i no harim wanpela trabel i kamap namel long ol Tolai long hap bilong Rabaul. Tasol sori, nau ol Mataungan i kirapim wanpela nupela tok na pasin gen, na ol wantok bilong ol i bruk tupela lain.

As bilong trabel em i wanpela buk, ol i kolim "Common Roll". Em i wanpela buk gavman i laik olgeta manmeri i winim 18 yia pinis i mas putim nem insait long em, bai ol inap long vot.

Em i pasin bilong vot, sapos nem bilong yu i no stap insait long dispela buk, yu no inap vot long ilektim ol memba bilong Haus Asembli long mun Mas long 1972. Ol manmeri i no mas vot sapos ol i no laik; em i samting bilong ol. Tasol sapos ol i laik vot, orait, pastaim ol i mas putim nem bilong ol long buk hia "Common Roll".

Wanpela lain bilong gavman i raun nau long Gazelle bilong raitim daun nem bilong ol manmeri inap long vot. Tasol ol man insait long Mataungan Asosiesen i no laik helpim ol. Ol i tok: maski long buk bilong gavman. Mipela yet bai ilektim memba bilong Asosiesen bilong mipela stret. I no samting bilong gavman.

Namba wan gavman, Mista Johnson, i tok em i lo, olgeta manmeri long kantri i gat 18 krismas pinis i mas putim nem long "Common Roll". Sapos nogat, bai ol i kot. Gavman i no tok, ol i mas vot. Nogat. Ol i mas putim nem long buk tasol long wanem ol i stap long kantri bilong yumi. Na em i samting bilong gavman long save husat i stap long kantri bilong en.

Ating sampela man i no

klia tru long pasin bilong lo bilong kantri. olgeta kantri i gat wanpela lo tasol. Lo bilong gavman i namba wan lo, i antap long olgeta arapela lo.

I tru ol asosiesen i gat lo bilong ol tu. Tasol asosiesen em i wanpela liklik hap bilong kantri tasol. Kantri i bosim asosiesen. Asosiesen i no bosim kantri. I olsem sapos wanpela liklik lain skulmanki i kirap i laik bosim bikpela man bilong ples. Bai ol bikpela man i guria, i yesa long ol? I wankain long ol Mataungan na long gavman.

Yumi save long stori bilong Mataungan Asosiesen. Long yia 1969 sampela Tolai pipel long hap bilong Rabaul i no laikim ol waitman na saina i stap insait long lokal gavman kaunsil. Ol i lukim planti waitman na saina i gat bikpela plantesin na ol i pret, nogut ol i wok long helpim bisnis bilong ol yet, na bai ol i lusim ting long helpim ol lokal pipel. Ol i tok tu ol dispela bisnismen i salim win mani o profit bilong ol i go long arapela kantri. Ol i no laik. Ol i laikim ol mani i anka i stap long

hap bilong ol yet. Ating i no gat wanpela lain pipel long Niugini inap long ol Tolai long winim mani long plantesin bilong ol.

Bihain liklik wanpela trabel i kamap long hap bilong Rabaul. Ol Tolai i laik kisim bek nating graun bilong gavman long hap bilong Kerevat. Long dispela taim klosap wanpela pait i kamap. Planti plisman moa i flai i go long Rabaul. Gavman i lusim bikpela mani tru.

Sori, ol Tolai i gat planti saveman namel long ol. Tasol dispela taim ol i no bihainim pasin bilong saveman. Watpo ol i no baim wanpela loman? Kain man hia em inap traime traime, painimaut husat i papa tru bilong graun. Em wanpela inap long kotim gavman yet. Na i no gat

pait, i no gat kros. Sapos gavman i lusim kot, orait, em i mas bekim olgeta graun. Na em i no gat tok.

Em hia pasin bilong saveman. Yu no ting gavman i bosim kot. Nogat. Kot i ausait long strong bilong gavman. Long kot tasol yu inap win long gavman. Long pait, nogat.


Wanpela samting Mataungan Asosiesen i winim pinis. Gavman i orait long tekewe ol waitman na saina long Gazelle Lokal Gavman Kaunsil. Tasol long Kerevat ol i no win.

Longtaim liklik ol Mataungan i no mekim planti toktok na ol pipel bilong Niugini i hepi i ting ol Tolai pipel i stretim trabel bilong ol pinis na olgeta ol i sindaun gut nau. Tasol, sori, nau dispela nupela kros long "Common Roll" i kirapim gen.



Ol ofisa bilong gavman long Is Nu Briten i wok long stretim buk i gat nem nilong ol man i laik vot long ilektim nupela memba bilong Haus Asembli. Long piksa yu lukim ol pipel bilong Vunadidir i traime painim nem bilong ol long buk. Dispela taim ol manmeri i gat 18 krismas ol inap long vot. Tasol bilong vot ol i mas putim nem bilong ol i go long buk bilong vot pastaim.

OLGETA HARIM GUT!



Dispela sop pauda, ol i kolim "COLD POWER" i nambawan tru. Em i wasim na rausim tru ol kainkain pipia long ol klos bilong yu.

Dispela sop pauda i gat wanpela kain strongpela marasin long en i save mekim save tru long rausim ol kain pipia – long ol klos.

Yu ken usim wara long tang or long wara nating. Dispela i kol wara. Sop "COLD POWER" i strong moa na i ken rausim ol pipia long klos bilong yu.

OL I WETIM

sampela tok bilong daniel hawina

LONG OL MANI

Daniel i tok dispela ol mani ol i bungim pinis (inap \$8,271) ol i laik salim i go long Kanbera. Long Kanbera i gat wampela bikpela memorial o matmat. Hia i gat nem bilong ol tumbuna i stap; ol i raitim pinis long sampela ston. Sapos mani i kam long Kanbera, bai Niugini i kisim independens na ol mani i kamap nating long han bilong ol.

Daniel i no lukim Kanbera yet. Em i tok em i no laik lukim. Long matmat o memorial i gat nem tasol bilong ol soldia bilong Australia indai pinis. I no gat nem bilong ol tumbuna, nogat. Tasol Daniel i no laik lukim wampela poto bilong dispela matmat.

OL AMERIKA

Daniel i holim wampela hap mani bilong Amerika, inap long 25¢. Em i tok dispela mani i kamap nating long em; em i painim aninit long pilo bilong em. Antap long dispela mani i gat piksa bilong wampela taragau i stap. Olsem na taragau i namba wan pisin bilong Daniel. Dispela taragau i gat olkain pawa, inap long bringim ol balus tu i kam long Amerika. Amerika na Niugini mas pas wantaim. Tupela i wan samting.

Dispela tok bilong Daniel i no klia. Em i laikim Amerika i bosim Niugini. Tasol nau em i kros tumas long wanem Amerika i putim dispela simen antap long Maunten Hurun. Bipo ol man bilong Nu Hanover tu i makim ol Amerika bilong bosim ol. Tasol ol Amerika i no kam. Ol Amerika i no harim dispela tok bilong Daniel yet. Mipe-la i mas wet ol i orait long dispela tok o nogat.

BILIP

Daniel i tok God yet i skulim em long olgeta samting. Em i kisim save long driman. Em i strong yumi mas bihainim stret olgeta driman.

WANTOK - Trinde, Jun 2, - Pes 8



Daniel Hawina wantaim meri bilong em Monika, tu paus i pulap long mani. Daniel i tok ol mani hia in salim i go long Kanbera long bikpela matmat bilong

HUSAT I MAS BOSIM NIUGINI ?


Daniel i tok Agatha Christie i mas bosim Niugini. Em i tok dispela tok i stap long Baibel. Daniel i holim wampela buk, nem bilong em "Evil Under The Sun". Em i tok dispela buk i kamap nating long han bilong em. I gat wampela nem na piksa long skin bilong dispela buk. Daniel i tok: em Agatha Christie tasol; em yet i mas bosim Niugini.

Agatha Christie em i wampela misis bilong Englan. Sampela mun bipo em indai pinis. Daniel i no save long dispela yet. Dispela misis i save raitim planti kain stori nating long tok inglis. "Evil Under The Sun" em wampela stori nating. Seri tumas, Daniel i no save rit long tok inglis. Na dispela nem Agatha Christie yu no ken painim long Baibel tu. Daniel i save tumas long painim olkain samting insait long Nupela Testamen. Em i save holim wampela buk moa: "Tok I Tru I Bringim Man Long Laip Oltaim", em i wampela buk bilong ol Jehova Witnis.

OL SKUL

Daniel i tok ol skul i rabis. Bihain long independens bai God yet i skulim ol man bilong graun, na wantu bai ol i kisim olkain save.

KAGO I KAM



MATIAS ALIWAN

Matias Aliwan i gat 42 krismas. Em i sindaun i stap wantaim brata bilong en long ples Ambukanja long as bilong Maunten Hurun, ol waitman i kolim Turu, Matias i stap plisman bipo: 3-pela yia long Goroka na 2-pela yia long Madang. Bihain em i wok long haus pawa na haus balus bilong katolik misin long Wirui (Wewak). Matias em i no man bilong toktok planti. Oltaim em i save stap arere long ol man, save tingting planti na mekim beten long pasin bilong em. Em i sanap olsem profet bi-

indaun i stap klostu long \$8,271 dola. Nau em i laik ia indai pinis.

long ol pipel long hap bilong em. Sapos em i wokabaut o sanap, em oltaim i holim wanpela stik, olsem ol profet bilong Olpela Testamen i holim bipo.

DANIEL HAWINA

Daniel Hawina (Wavingian) em namba tu glasman bilong dispela tok bilong kago. Em i tokman; em i maus tru bilong Matias. Daniel i save gut tumas long toktok. Em i no skul planti, inap standet 3 tasol. Tasol em i save ritim tok pisin gut tumas. Daniel i gat planti kain tingting

na planti kain toktok. Na taim em i toktok i stap, olgeta manmeri i save putim gut yau. Em i man bilong strongpela bilip tu, strongpela moa. Yu no inap soim em wanpela samting, nogat. Ol samting em i save pinis. Em i kisim save stret long han bilong God. Em hia bilip bilong em.

MONIKA

Wanpela meri tu i stap insait, nem bilong em Monika. Monika i skul inap fom 3. Em i meri bilong Daniel. Em i save tumas long kolim planti hap bilong Nupela Testamen. Oltaim em i tok em i laik dai wantaim long tupela glasman.

KATIM NEK BILONG MAN

Daniel i tok bai long namba 7 de bilong mun Julai antap long Maunten Hurun 3-pela man bai indai olsem sipsip bilong God. Em yet i laik indai. Em i bilip tu bai em i kirap bek. Em i tok olgeta man i bilip tu bai em i kirap bihain long 3-pela de.

Dispela pasin bilong man indai long helpim ol arapela man i no nupela samting long hap bilong Wewak. Long gutaim bipo ol i makim pinis wanpela man bilong Yangoru yet na wanpela bilong Boikin i ran nabaut long bus na olsem tupela man i no indai tupela i stap yet. Nem bilong wanpela Kangasimbu.

Long 1961 ol i katim nek bilong man Loren long bus bilong Madang bilong helpim wok kago. Dispela man i no kirap bek; na kago tu ol i wetim yet i stap.

OL KANTRI I WET

Daniel i tok gavman na ol arapela kantri i mas skelim na testim tingting bilong em. Sapos em i gut, ol i ken bihainim; sapos em i nogut, ol i ken rabisim.

Daniel, planti man i harim pinis tok bilong yu. Nau yu soim em i tru. Nogut yu toktok nating. Planti man i wet i stap.



Dispela piksa i soim Matias Aliwan hetman bilong kago. Wantaim em, sampela ol narapela man bilong kago i stap long ples Ambukanja.

WEWAK TIMBERS PTY. LTD.

(MASTA SNO NA MASTA ED)

PHONE 93 & 228

OL HAUS BILONG MIPELA I STRONG TRU
TASOL I KOSTIM LIKLIK TASOL



3 Bedroom



2 Bedroom

(All houses passed by the Building Board)

long somil bilong mipela yu inap kism olkain plang - painim ol samting i redi bilong wokim haus - painim ol kamda bilong wokim haus

ALL TYPES OF SAWN TIMBER

Low cost houses built or material supplied

Also at:

BOUGAINVILLEA DR. MADANG, PHONE 2214



Mista Tom Leahy, tokman bilong kaunsil bilong namba wan gavman, i tok save long ol pipel long ol kain kain wok bilong dispela kaunsil. Kaunsil hia i lukluk raun long Morobe Distrik.



Bikpela lain sumatin bilong Bikskul bilong Teknoloji long Lae i wetim kaunsil bilong namba wan gavman. Ol i no gat kros, ol i laikim tasol bai gavman i koltaim rot i go long skul bilong ol.

TIRED?

DEPRESSED?

CAN'T GET THAT ZEST
FOR LIFE FEELING?

IF THE ANSWER IS YES, THEN IT'S
TIME TO START TAKING MYADEC - THE
HIGH POTENCY, VITAMIN MINERAL
CAPSULE.

SO EASY TO TAKE, ONE A DAY IS
ALL YOU NEED TO RESTORE VIGOUR
AND VITALITY TO THE SYSTEM.

PRICED AT \$2.25 FOR 30 CAPSULES
\$6.00 FOR 100 CAPSULES


AVAILABLE FROM:

RABAU PHARMACY

P.O. BOX 76 PHONE: 2504




Kaunsil bilong namba wan gavman i flai long 4-pela balus na i go lukluk raun long Morobe Distrik. Piksa i soim 3-pela memba i kam kamap long Finschhafen. Long lephan: Mista R. Hatcherly (kiap), Mista Sinake Giregire (ministerial memba bilong pos), Mista Mathias Toliman (ministerial memba bilong edukesen), Mista Meck Singilong (namba tu ministerial memba bilong tret na indastri), Mista R. Galloway (namba wan kiap bilong Morobe Distrik).



Teknikal Koles long Port Moresby nau i gat 300 manmeri i skul long nait long wok kamda na prin na plama na welding. Long piksa yumi lukim Lega Riei bilong Hanuabada long skul kamda.


Em hia piksa bilong 7-pela soldia i pinisim namba wan taim kos long olkain wok wailis insait long ami. Nau tasol ol i winim 4-pela wik skul long Goldie Riva klostu long Port Moresby. Em hia nem bilong ol soldia: Saiden A. Barambi (Is Sepik), Saiden M. Hiloko (Bougainville), Kopral J. Lunge (Is Sepik), Kopral J. Wagambi (Is Sepik), Kopral D. Anego (Noten), Kopral J. Ibras (Morobe) Kopral A. Eko (Galf).




TEP RIKODA

Smolpela tru. Strongpela moa. I no kostim planti. Yu inap yusim long bateri tasol.

SANYO



NAMBAWAN REDIO bilong harim musik na nius. Yu baim Sanyo long liklik mani tasol. Karim Sanyo i go long ples bai ol i amames tru, bai yu gat namba.



PIKAP NA REDIO WANTAIM

Sanyo - samting tru. Sanyo - smat moa. Tupela spika. Yu laik harim redio? Orait. Yu laik pilai rekot? Orait. Sanyo i redi - oltaim. Maski lektrik. Bateri inap.

Ol samting bilong SANYO i kamap long dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557.

RABAU
P.O. Box 222.

MT HAGEN
P.O. Box 237.

WEWAK
P.O. Box 178.

KIETA
P.O. Box 72

Planti pipol oli askim

Tutt Bryant emi gat wonem samting long stoa bilong ol.

Emi gat planti kain masin nau sperpat long en tu. Nau hia yu lukim sampela mipela igat long stoa long mipela. Sapos yu laikim arapela samting bai yu askim long stoa long mipela long wonem TUTT BRYANT igat planti samting long ol masin, moto nau arapela samting. Em hia mi kolim sampela tasol mipela.

ALLIS CHALMERS <i>(earth moving equipment)</i>	LIGHTBURN <i>(cement mixers)</i>
APAC <i>(lift gear)</i>	LINCOLN WELDERS
AVIS RENT-A-CAR	KAWASAKI OUTBOARDS
BEDFORD <i>(trucks)</i>	KITTEN <i>(automotive products)</i>
BROOMWADE COMPRESSORS	MERCURY OUTBOARDS
CARIBBEAN BOATS	MICHIGAN LOADERS
DAIHATSU	MONROE-WYLIE AUTOPARTS
DUFFIELD HOSES	ONAN <i>(engines and generator sets)</i>
EQUIPMENT INVESTMENTS <i>(hire purchasing and leasing facilities)</i>	PACIFIC ACE EQUIPMENT
FIAT TRACTORS	PACIFIC PUMPS
FIRESTONE TYRES	P.E.P. <i>(automotive products)</i>
GENERAL MOTORS HOLDEN	PERKINS DIESEL
GENERAL MOTORS <i>(diesel)</i>	PHOENIX ASSURANCE
HEALTHWAYS DIVING EQUIPMENT	SMITH'S INSTRUMENT
HOWARD <i>(Agricultural)</i>	SUZUKI MOTOR CYCLES
I.S.S. <i>(safety equipment)</i>	VOLVO-PENTA <i>(marine engines)</i>
	YANMAR DIESEL
	YOKOHAMA TYRES



Tutu Bryant Pacific Limited

BRANCHES: PORT MORESBY, LAE, GOROKA, MADANG, RABAU, KIETA
AGENTS: MT. HAGEN, WEWAK, HONIARA (BRITISH SOLOMONS)
WRITE: P.O. BOX 326, PORT MORESBY, T.P.N.G.

KRISTEN PRES i wokim kain kain buk bilong strongim bilip na bilong sanapim gutpela pasin na sindaun na bel isi bilong ol manmeri na ol pikinini.

Nau yu ken baim 4-pela "Arch Book" long tok Pisin:

**Pis I Kisim Jona
God I Helpim Daniel
Haus Antap Long Ston
King Em I Singaut**

4-pela Baibel stori bilong ol pikinini.
Ol papamama i laikim ol tu.

Salim oda i go long:



KRISTEN PRES

Sales Division
The Christian Book Centre
Box 222, Madang

helpim bisnis bilong yu

I gat 5-pela kain bisnis long Niugini. Em hia:

- 1.) Wanpela man yet i wok bisnis
- 2.) Bisnis poroman
- 3.) Praivet Kampani
- 4.) Pablik kampani
- 5.) Kopratif

Long Niugini klóstu olgeta bisnis i bisnis bilong wanpela man tasol o i kopratif. Orait nau mi laik soim olsem wanem ol arapela kain bisnis i wok, bai yu yet yu ken skelim ol na painim wanem kain i gutpela bilong yu. Olgeta bisnis i mas winim profit mani. Sapos nogat, em i no gutpela bisnis.

Wok bisnis bilong wanpela man:

Kain bisnis hia wanpela man i kirapim bilong em yet. Sampela i gat tret stua, sampela i wok wantaim trak, o wok kopi samting. Man hia em wanpela tasol i bos. Em yet i putim olgeta mani i go insait long kirapim bisnis bilong em. Em tu i kisim ol profit na i mas bekim ol dinau. Sapos


bisnis bilong dispela man i bagarap, kot i ken kisim olgeta samting bilong dispela man bilong bekim ol dinau. Kot i ken kisim ka na haus na ol samting insait long haus. Em i no gat tok.

I gat tupela pasin bilong mekim kamap bisnis poroman.

1.) Sapos bisnis bilong wanpela man i go bikpela tumas, orait, em i ken singautim arapela man long kam insait long bisnis wantaim em, na putim hap mani i go insait. Olsem tasol tupela i poroman long bisnis.

2.) Sampela taim i gat tripela o fopela man i poroman long mekim wanpela bisnis i kamap. Sampela taim olgeta poroman ol i bungim mani wantaim bilong kirapim bisnis. Sampela i gat wanpela poroman i gat planti mani, tasol nara-pela i gat planti save long ranim bisnis; olsem nau tasol tupela i wok wantaim.

Neks taim bai ol i skruim



Namba wan gavman, Mista Johnson, i soim Dame Annabelle Rankin long ol manmeri long miting long Pindiu. Dame Rankin em i maus bilong Australia insait long Nu Silan. Em i raun wantaim kaunsil bilong namba wan gavman na i go lukim Finschhafen na Kaiapit.



world news

etna erupts

SICILY: A line of trucks stood waiting to evacuate the inhabitants of the tiny village of Fornazzo on the slopes of Mt. Etna, recently as a smoking column of lava continued its advance only 200 yards away.

Sixty yards wide and 25 ft. high, the wall of volcanic rock and ash pouring from gashes halfway up the mountain was moving towards the

village in stops and starts over rugged country.

69 killed

HYDERABAD: (India):- A speeding truck rammed into a crowd of 500 people in South India last week turning a village festival into a graveyard littered with 69 bodies.

Of the dead, 35 were children and 23 were women, many of whom had

held babies in their arms as they watched a "Bhagvatham", a local folk ballad recital that was to continue until dawn.

Eyewitnesses said a truck swerved off a nearby road, hit a large stone barrier and ploughed through a crowd - crushing most of the victims to death - and then landed on the stage where the recital was being given, killing four of the eight performers.

into India posed a threat to peace in the whole of the Indo-Pakistan sub-continent.

Mrs. Ghandi said 3,500,000 East Pakistanis had crossed into India in the past eight weeks.

More were coming at a rate of 60,000 a day.

aborigine elected

BRISBANE: Mr. Neville Bonner, a 53 year old bridge carpenter will be the first aboriginal to take a seat in any Australian Parliament following his selection last week by the Queensland Liberal Party to fill a Senate vacancy.

Mr. Bonner, a widower with five sons and two foster daughters lives in Ipswich, 15 miles west of Brisbane.

He has worked on banana plantations, farms and as a stockman in New South Wales and Queensland.

mrs ghandi appeals

NEW DELHI: The Indian Prime Minister, Mrs. Indira Ghandi has appealed to the big powers to assert themselves to bring about a political solution to the crisis in East Pakistan.

Mrs. Ghandi said that the events in East Pakistan and the influx of millions of refugees



A donkey powered work cart provides the latest form of transport at the Hawain River Vocation Centre in the East Sepik District. The donkey's names are Herbert, Sherbert and Cuthbert.

Do You Know

The Territory's major export is cocoa beans. It ships approx. 61,795 cwts. of cocoa beans each year to other countries.

Other exports in order are coffee beans (25,677 cwts.), copra oil pellets (20,000 cwts) rubber sheeting (76,000 cwts.), copra oil (2,521 cwts.), tea (1477 cwts.), rubber crepe (1,158 cwts) and trochus shells (1,190 cwts.).

At present in the Territory, there are 2,925 New Guinea children attending Australian Primary Schools out of a total enrolment of 9,898 in these schools.

Did you know that the shortest man who has ever lived was Calvin Phillips of Massachusetts who died at the age of 21. He was 27 inches tall and weighed 12 pounds in his clothes.



A quick check on stock and to make sure that everything is ready for the customers is made by Mr. Odiu May manager of the Families Store at Taurama Barracks, Pt. Moresby. Mr. May is the first Pacific Islander to be appointed manager of the store run by the Australian Services Canteens Organisation in the Territory.

MANI - em i wanem samting

Mani em i wanem samting? Em i hap pepa nating? Em i hap ain nating? Yumi olgeta i save nogat.

Nau yumi laik stori long mani bai yumi olgeta i ken kisim save long en.

Long taim bilong ol tumbuna i no gat mani. Ol pipel i senisim ol samting tasol.

Orait bihain nau, ol stua i kamap. Nau man i laik baim klos na tamiok na kerasin na laplap na trausis. Papa bilong stua i no laik senis long saksak na pis na kaukau.

Ol man tu ol i holim wok, ol i no laik kisim saksak na rais na tamiok na pik olsem pe.

Orait, nau ol bikpela man i kibung na ol i tingting planti. Bihain ol i makim wampela samting olsem skel bilong ol arapela samting. Orait, ol i makim pik. Ol i tok: wampela pik em inap 4-pela karamap saksak. Wampela pik em inap

long 5-pela bikpela tamiok. Yu laik kisim pik yu mas wok inap 5-pela wik.

Long dispela taim sapos wampela man i gat planti mani em i min em i gat planti pik o planti savol o planti skin kina o planti tamiok. I orait. Tasol Sapos em i laik baim wampela samting, em i hatwok tumas long karkarim ol dispela kain samting wantaim em. olsem em i les.

Orait, ol bikpela man i kibung gen na ol i yesa long wokim sampela liklik hap ain, i raun olsem wampela medal na givim strong long en.

Ol man i putim bikpela prais moa long gol na silva bikos tupela i lait tumas. Orait, nau ol man i tok, sapos man i gat planti pik samting mipela i ken baim na givim dispela golmani long em. Em inap karim golamni i go wantaim em, na em i no save ros tu. Olsem tasol golmani i kamap.



Long dispela taim tu ol man i tok: mobeta mipela i putim strong bilong mekim mani long han bilong gavman tasol. Nogut wampela man i kisim masin bilong wokim mani na em i giamanim yumi. Em i no gat gol na silva na em i kamapim mani nating. Olsem ol i tambuim olgeta man long wokim mani. Gavman tasol inap.


Tasol nau olsem wanem ol konda o mani pepa i kamap? Olsem tasol: nau ol man i kisim save long mekim kamapim planti golmani. Orait, nau ol i gat planti golmani. Tasol em tu i hevi tumas.

Orait, wantaim moa ol bikpela man i kibung na ol i orait long bihainim pasin bilong ol beng. Yu save, yu bringim planti

siling i go long beng, na beng i givim sampela hap pepa long yu. Dispela pepa i gat mak long en, i gat piksa long en, i gat namba long en. Olgeta man i lukim dispela hap pepa em i save yu gat mani ain i stap long beng. Olsem na man hia inap long kisim mani pepa bilong yu; em i save dispela pepa i gat strong.

Nau ol man i hepi gen. Ol inap karim planti mani i go wantaim ol.

Gavman wampela tasol inap long prinim mani. Yu no ting wampela man i ken kisim masin bilong prin na wokim mani bilong em stret. I no gat man i laik kisim. Na em tu i go long kalabus long bikpela giaman bilong em.



Em mani bilong ol man bilong Hailans: tamiok, naip, skin kina, gras bilong kumuk. Ol pik tu.



Asaro Watabung

Kaunsil hia i wok long Anegu Rot, Koreipa Rot, Nefinka Bris, Lunipe Loop Rot. Sampela ofisa tu i raun na i kostim ol lokal man i no wok long hap rot bilong em. Wanpela wanpela i mas baim rot long \$5.

Kaunsil hia i painim ol man i sot yet long takis inap long \$291 tasol.

Em tu i wokim 5-pela et pos long Miruma, Aterero, Mende, Keto, Lunipe, na Anegu. Ol i kostim \$3,299.00.

Dei

Dispela kaunsil klostu long Mt. Hagen i makim wanpela komiti i gat 15 man bilong bosim ol lo bilong marit.

Kuskus, Mista Simon Apa, i tok tu ol i salim pinis wanpela pas long namba wan bilong bosim ol skul long Mt. Hagen, ol i laik bai ol i wokim wanpela haiskul long Ambra.

Ol i laikim tu wanpela et pos odeli bai i kam bosim et pos long Tuku-ma.

Mt. Hagen

Kaunsil hia i wetim samting olsem \$95,000 bai i kamap long ol takis. Inap nau ol Kaunsil i sot long \$12,500 long takis mani bilong dispela yia....

Ol lokal kaunsila bai raun long dispela wik na glasim gut ol hap ples ol skwata i sindaun long

en. Ol skwata yet i mas wokim rot i go insait long ples, bai ol trak i ken kam insait bungim na tekewe ol pipia samting. Ol skwata tu i mas soim tiket ol i bin baim takis pinis sapos ol i laik sindaun insait long taun i stap.

Hia ol i gat planti man tumas i bung long maket na ples i pas tru na i no gat inap ples na haus bilong ol man i laik salim ol samting. Presiden Komp Dei i tok mobeta ol sampela man i kam long maket long Trinde na sampela long Sarere. Ol i traime pinis putim de bilong maket long Tunde na Fraide ... tasol ol man i no bringim wanpela samting long dispela tupela de.

Nu Ailan

Sentral Nu Ailan Kaunsil nau i gat wanpela niuspepa bilong en stret Nem bilong em "Malagan"; em i min olsem wanpela pesto o wanpela kaving.

Niuspepa hia bai i gat tok long wok bilong kaunsil na gavman, long ol tingting bilong ol pipel long kaunsil senta long Konos. Politikal Advaisa, Mista Max Day, i tok ol kaunsila i bin kisim namba wan kopi bilong niuspepa.

Lokal Gavman Kaunsil hia i laik bai Australia i pasim gut tok wantaim Papua na Nu Gini bai i sanap wantaim bilong ranim olgeta birua i kam i laik stilim kantri bilong yumi. Ol i salim dispela tok i go long Mista Barnes, ministra bilong ol teritori.

Tari

Kaunsil hia i wetim samting olsem \$100,000 bai i kamap long poket bilong ol long rot bilong ol takis tasol. Ol bai i winim tu \$25,000 long olkain bisnis bilong ol.

Kaunsil hia bai i laik lusim planti mani long kain kain wok didiman, long wokim nupela rot na bris na stretim ples balus bilong Tari. Bai tu ol i helpim ol skul na tisa na wok dokta.

Bougainville

Liklik taim bai Wakunai Kaunsil i lusim \$9,000 long wokim rot. Bai ol i kisim wanpela bikipela bulldok D6 i kam long Kieta bilong helpim ol. Hap mani ya ol i kisim long kaunsil yet na hap long Rural Development Beng.

Lukluk Raun

Em i namba tu taim nau 10-pela lokal gayman kaunsil ofisa i winim wanpela kos inap long 3-pela mun long Australia. Inap long 6-pela wik olgeta ol i raun nabaut lukim pasin bilong ol kaunsil bilong ol biktaun: Nosman, Willoughby, Bankstown, Danden, na Hornsby.

Nem bilong ol ofisa em hia: Wale Kovea (Sentral Miss Sophia Vuvut (Gazelle), Memi Jondi (Bayer Riva), Nicholas Monde (Kandrian), Vavine Tauni (Madang), Daniel Panako (Kavieng), Timothy Rabongani (Madang), Henry Veretau (Is Sepik), Allan Lapu (Westen Hailans).

HARIM!



Yu laikim nambawan kain piksa i klia long kamera bilong yu? Orait, yu mas salim ol film bilong yu i go long Rabaul Photographic bai ol i wasim na prinim piksa. Yu putim wan dola insait long skin pas wantaim film na salim nau tasol i go long:

RABAU PHOTOGRAPHIC


P. O. Box 164, RABAU

KLASIFAIT

PABLIK NOTIS

BUK PREA. Yu laikim buk long beten long nait? Salim pas long Booklet, Box 1096, Boroko. Kisim nating.

Wantok Publications
P.O. Box 298, Wewak, i wokim, na Wirui Pres long Wewak i prinim.



Sampel
tok i
Nius
Teri
kam
Pe
ni

Sapos yu laik kisim niuspepa WANTOK yu mas salim dispela hap niuspepa i kam bek wantaim \$4 (foa dola). Adres bilong mipela em hia:
WANTOK PUBLICATIONS INC.,
P.O. BOX 298, WEWAK.

NEM BILONG YU HIA:

ADRES BILONG YU HIA:

FOA DOLA

sapos yu salim \$4 (foa dola)
bai mipela i salim WANTOK
long yu inap long

WAN YIA

Sori, mipela i mas apim prais bikos ol i apim prais bilong salim ol pas.

6-pela taim.....1.00	18 taim.....3.00
12-pela taim.....2.00	24 taim.....4.00



FOA MANI LONG WOKMAN

Asembli i bin orait long ol 1000 wokman bilong lain i mas im moa pe. Long yia 1971 ol i kisim \$11.80 long fotnait os ol i wok mani stret. Bihain pe i go antap moa yet.

Tu ol man o ofisa i pinisim long gavman i mas kisim moa malolo o pe lip. Man i mas gat krismas o wok wantaim gavman ap 35 yia bilong kisim pe lip.

Gavman tu i strong ol bisnisman mas skulim moa Niuginian long sin bilong ranim bisnis na kipim bisnis bilong ol yet.

Sta Tous Kapena, ministerial memba long bosim ol wok, i toktok wantaim ngela wokman long ti faktori long dip long Hailans

Sta Nasson Paulias, hetman bilong geta skul long Is Sepik Distrik, i vim seliliket long tisu Michael eke bilong Aitape.



19,841 Pinisim Standat 6
Pop i Kam Lukim

